



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ioan. Petri Maffei, Bergomatis, E Societate Iesv,
Historiarvm Indicarvm Libri XVI.**

Maffei, Giovanni Pietro

Antverpiae, 1605

Aethiopia.

urn:nbn:de:hbz:466:1-11473

Mauri vsque ad eò perterriti fractique sunt, vt deserto confestim fano diffugerint. Barbari etiam multi à diaboli seruitute in Christi libertatem averti. in iis Iogues seu heremita, cuius erat ea sanctitatis fama, vt qua pedes lauisset, aquam, Rex ipse Hormutii religionis causa biberet. Et sanè præstanti erat ingenio vir, insolitisque visis quibusdam diuinitus ad Christiana sacra panè compulsus videtur fuisse.

*Virtus sacrificij
missæ.
Obsessa
mulier liberatur.*

Baptizatae sunt etiam à Gaspare feminae duæ, Mauræ, mater & filia, claro in primis genere locoque nata, è Zeidensi familia Mahometicæ stirpis. Idem sacrificio missæ adolescentem quendam panè defunctum à morte reuocauit. Alienata mente mulierem & à dæmone obsessam, diui Ioannis Euangelio ritè corpori ipsius imposito, liberauit.

ÆTHIOPIA.

CLAVDIVS Æthiopiæ rex, professione Christianus ille quidem, sed à Catholico grege seiunctus atque schismaticus, cum ad Ioannem Lusitanie regem litteras dedisset, in quibus erat, velle se omnino ad Catholicæ Ecclesiæ sacrosanctæ gremiū redire, & in Romani Põtificis potestate esse; ab Rege se petere, vt eū eodem Romano Pontifice de recõciliatione ageret; rē Ioanes suscepit, & primū à Iulio Tertio; mox, eo per id tempus demortuo, à Paulo Quarto, qui in põtificatu successerat, impetravit, vt Ioannis ipsius sumptu aliqui ex Europa in Æthiopiam cum mādatis atque autoritate apostolica mitterentur. Declaratus Æthiopiæ Patriarcha Ioannes Nunes è Societate spectata vitæ sanctimonia vir, cum Sociis multis profectus è Lusitania anno Christi nati, circiter 1556, Goā incolumis tenuit, ibique, antequam cõceptum iter perageret, excessit è vita. Suffectus in eius locū è Societate Andreas Ouedus episcopus, quem ille Goa ad Claudium cum quatuor aut quinque comitibus iam antè præmiserat. quibus tamen Rex ille ceteroqui non illiberalem se præbuit, promissa tamen fidem Regi Lusitanie datam minimè præstitit: cuius perfidiæ pœnas ab eo videtur exegisse Dominus: paucis enim post Andream aduentū diebus ab hostibus victus atque peremptus est. Rex inde creatus Adamas Claudii frater, desertor olim fidei Christianæ, vir immanis ac ferus, & Apostolicæ se-

*Ioannes
Nunesius
Æthio-
pia pa-
triarcha*

*Andreas
Ouedus
Episco-
pus.*

*Perfidia
Claudij
regis.*

dis hostis acerrimus, Patriarcham in vincla coniectum, semestri spatio atque eo amplius malè habuit: quippe quem vinctum secum in castra bellumque raptavit, comites etiam Andream contumeliosè tractavit, viuosque igne se concrematurum esse minatus est. populares verò suos, qui veritati catholice favere videbantur, variis pœnis affecit. A Turcis denique, quorum arma Æthiopes ipsi rebelles in regnum ascuerant, ingenti accepta clade fusus atque fugatus est. Socii cum Patriarcha ab hostibus capti, quod ipsum per ea bella quater iam antè contigerat, crudeliterque direpti, semel etiam igne in hospitium injecto, magnum adire discrimen. Nec iam Andream quicquam reliquum, ne vestis quidem erat, qua personam pontificiam tueretur. nec vinum tantum in sacrificia deerat, (nam vites ibi ferè nō seruntur) sed & charta ipsa ad scribendum. Declarant id litteræ ad Lusitaniam Regem ab ipso datæ schedula non plus digitali magnitudine, è verusto (vt videtur) aliquo commentario excerpta. Tosto dumtaxat hordeo vescabantur; tanta demum inopia premi rerum omnium cœpti sunt, vt ad vitam tolerandam, ne ex iis locis re prorsus infecta discederēt, bobus & aratro quæsitis terram suis ipsi manibus colerēt. Nec tamen in tot tantisque difficultatibus nihil omnino profectum est. Initio quidem certè, concertationes de fide ac religione cum litteratis habitæ, multorum confessiones auditæ, complures etiam cœlesti eucharistia conuiuio excepti. Cognitum est præterea ex Abbate quodam magnæ autoritatis viro, qui per eos dies Catholicam fidem receperat, plurimos idè esse facturos, si Lusitanorum exercitus, qui præsidio illis esse possit, in ea loca mittatur. Recentibus verò ex Æthiopia nuntiis spes etiam meliorum rerum affertur, cui ne desit Andreas omnia experiri constituit. Labor autem ipsius & perseverantia aliis quoque multis de Christo bene merendi materiam præbuit. Missi quippe ad statum ipsius explorandum ex India Lusitani sexdecim, à Turcis occisi: alii deinde vulnerati captique, in iis quidam è Societate Fulgentius Frerius ad fines Arabia in freto maris rubri à Turcis oppressus multis acceptis vulneribus catenatus Macuam in servitutem abductus est, addictusque triremibus: quæ Socii deinde, Regis Lusitaniam benignitate, ab hostibus redemerunt, cū in servitute Christianos fecisset sex, è quibus tres continuo è seculi ærūnis ad gaudia migrauere cœlestia.

*Adrianus
Claudius
frater
Patriarcham &
Socios
malè
tractat.*

*Fulgentius
Frerius.*